

5 | SEGUIMENTO DO PEG 2010-2014

5.1 DEBATE DO PEG 2010-2014 NO DIALOGO SOCIAL E NO PARLAMENTO DE GALICIA.

5.1.1 Debate do PEG no Diálogo Social

A) O DIÁLOGO SOCIAL E O PEG 2010-2014

O diálogo social que se está a desenvolver en Galicia caracterízase por ser un proceso de concertación social tripartito no que participan a Xunta de Galicia, a Confederación de Empresarios de Galicia e os sindicatos UGT – Galicia e S.N. de CC.OO. de Galicia e no que se están a traballar a prol do desenvolvemento social e económico da nosa comunidade autónoma.

Neste proceso constituíronse catro mesas de traballo, a Mesa 1 de Emprego e relacións laborais, a Mesa 2 de Competitividade e innovación, a Mesa 3 de Infraestruturas e desenvolvemento sustentable e a Mesa 4 de Políticas de benestar e cohesión social, que xunto con distintos grupos de traballo e mesas sectoriais están a obter acordos re-

lacionados coas súas distintas áreas temáticas. As mesas de traballo traballan de forma autónoma, negociando e asinando acordos de propostas e medidas dun xeito dinámico, que posteriormente son elevados á Mesa de Coordinación do Diálogo Social.

Unha primeira serie de acordos que xurdiron do traballo das distintas mesas foron ratificados o pasado 24 de maio pola Mesa de Coordinación do Diálogo Social, un segundo grupo de preacordos están finalizados ou a piques de completarse nas mesas de traballo e están pendentes de elevación á dita Mesa de Coordinación e, por outra banda, xa se está contemplando a creación de submesas e grupos de traballo relativas ás temáticas pendentes de diálogo e acordo.

O “Plan Estratéxico de Galicia 2010-2014: Horizonte 2020” da Xunta de Galicia recolle a definición dun novo modelo socioeco-

nómico para Galicia no horizonte 2020 da Unión Europea a través de cinco eixos estratéxicos

Eixo 1.- Cohesión social, benestar e calidade de vida.

Eixo 2.- Dinamización económica, crecemento e emprego.

Eixo 3.- Economía do coñecemento.

Eixo 4.- Sustentabilidade medioambiental e equilibrio territorial.

Eixo 5.- Administración austeras, eficiente e próxima ao cidadán.

Estes eixos, á súa vez, abranguen distintos obxectivos estratéxicos. Todas as temáticas que se acordou abordar no Diálogo Social teñen unha correspondencia no Plan Estratéxico tal como figura no apartado 4.4.c do Plan.

O Diálogo Social, como estrutura de concertación social, debe contemplarse como un provedor e facilitador de acordos e liñas de actuación a incorporar ao propio Plan Estratéxico de Galicia, recollendo o seu carácter de documento vivo. O Diálogo Social conta coa participación da Xunta de Galicia a través das Consellerías implicadas en cada unha das temáticas que se abordan, que á súa vez teñen unha correspondencia no Plan Estratéxico, e, en consecuencia, os seus acordos incorpóranse dun xeito natural ao Plan.

Para a incorporación e aliñamento do desenvolvemento no Plan Estratéxico de

Galicia dos acordos do Diálogo Social, a Mesa de Coordinación comunicará a Consellería de Facenda o estado do seu avance, para así:

1. Incorporar os acordos xa tomados nos correspondentes obxectivos estratéxicos ou plans e programas, incluíndo, no seu caso, as propostas concretas de actuación con obxectivos, indicadores e dotacións orzamentarias.
2. Actualizar os obxectivos estratéxicos, plans e programas en sintonía cos avances e modificacións introducidas no seo do Diálogo Social.
3. Contemplar os acordos que se materializarán, deixando abertos os obxectivos aos resultados dos acordos que se están a debater en cada mesa de traballo do Diálogo Social.

Nesta liña, a Xunta de Galicia comprométese a levar ás distintas Mesas de traballo do Diálogo Social aqueles planes, programas ou actuacións previstas no Plan Estratéxico que non figuran entre as temáticas que se acordou abordar no Diálogo Social.

B) ESTADO DOS ACORDOS DO DIALOGO SOCIAL NO PLAN ESTRATÉGICO DE GALICIA A DATA 15 DE XUÑO DE 2010

Os acordos do Diálogo Social en Galicia estanse acadando dunha forma dinámica. O pasado 24 de maio, a mesa de coordinación ratificou e decidiu elevar á Mesa Xeral os seguintes preacordos:

1. Preacordos relativos ás políticas activas de emprego:

- Preacordo relativo a fomento da empregabilidade, da contratación e da estabilidade.
- Preacordo relativo ao Servizo Público de Emprego de Galicia.

2. Preacordos relativos á mellora da competitividade empresarial: Propostas de mellora da xestión e da área de financiamento do IGAPE.

- Preacordos en materia de internacionalización e captación de investimento estranxeiro.

3. Preacordos relativos ao sector téxtil: Proxecto EmpregaTex

4. Preacordos relativos ao benestar e á cohesión social:

- Bases para a elaboración da Lei Galega de Inclusión Social.
- Borrador de proxecto polo que se desenvolve a lei I 3/2008 de servizos sociais no relativo ao Consello Galego de Benestar Social.
- Borrador do proxecto de decreto polo que se regula a composición e funcionamento da mesa galega de Servizos Sociais.

Por outra banda, estanse a punto de asinar ou nas últimas fases de diálogo e negociación os seguintes preacordos:

- Plan estratéxico para a prevención de riscos laborais en Galicia 2011-2014.

- Preacordo en materia de formación para o emprego

- Propostas en materia de modernización e innovación tecnolóxica e racionalización e simplificación de cargas administrativas

- Propostas en materia de I+D+i

- Propostas sobre o Plan de Ordenación do Litoral

Finalmente, vanse constituir distintas submesas e grupos de traballo que se encargarán das temáticas pendentes de abordar no Diálogo Social.

Os resultados do Diálogo Social, vense reflectidos nos distintos Eixes do Plan Estratéxico de Galicia 2010-2014.

5.1.2 Debate do Plan estratéxico no Parlamento de Galicia

O plan estratéxico envíase ao Parlamento de Galicia para o seu debate. As súas conclusións incorporaranse ao documento.